

AWOR TAMBE TUR TRABAO DI CONSTRUCCION!**Bomacrete****MABON 52 BRAZIL**
Cell: 6600444 - 5641313**BOMANITE****AFL. 70,-**
/ M²**PLAIN CU**
BORDER**AFL. 60,-**
/ M²**CEMENT PLAIN****AFL. 50,-**
/ M²

Minister Otmar Oduber:

E grotnan den e area unda lo construi e hotel pa San Nicolas lo wordo preserva

ORANJESTAD (AAN) – Durante e ronda di preguntanan den conferencia di prensa cu Minister Otmar Oduber, titular di Infraestructura, Medio Ambiente y Desaroyo Teritorial, el a aclarea diferente aspecto cu a crea cierto preocupacion, rond di e construccion di un hotel na San Nicolas, den area di Baby Beach.

E mandatario a reitera locual el a declara na principio di e conferencia di prensa, den cual el a señala riba un map cu, den ROP mes un 70% di e area na San Nicolas a wordo limita den e desaroyo turistico di e distrito, pa por preserva e medio ambiente y naturaleza.

Minister Oduber a menciona cu diez aña despues a cambia full e area di Boca Grandi, bin te na Seroe Colorado unda cu a wordo reserva un decena di hectarea cu ta ser proteha pa e medio ambiente. Esaki ta un ganashi hopi grandi pa locual tabata tin durante e ultimo diez añanan.

El a agrega cu pa prome biha, awor tin obligacion di traha un “meld rapport” pa scucha y atende cu e medio

ambientalistanan di Aruba, locual antes no tabata sosode.

Aworaki mester skirbi e reaccion di e medio ambientalistanan den e rapport. Pues, medio ambiente a baha den e aspecto aki, y e mandatario ta kere cu lo gana mas ainda cu condicionnan cu tin cu e grupo cu lo impulsa e hotel, na su debido momento.

Minister Oduber a subraya cu un di e puntonan di cual e ta conciente di dje y cu tin hopi bista riba dje, ta cu den e area concerni tin e grotnan cu ta e parti cu lo por tin mas impacto, y gobierno ta trahando verkavelingsplan den un zona cu tambe tin grot, y estudionan necesario ta tumando lugar pa percura pa esakinan no haya impacta.

E dignatario a refuta un cuestionamento cu tin den pueblo, cu e acceso na grotnan lo wordo limita door di e hotel, locual no ta berdad. E grotnan ta keda publico y ta wordo hinca den e condicionnan y na cierto momento hasta e ta spera cu ohala e grotnan bira un atraccion natural pa e turistanan, semper y cuando no tin un efecto negativo riba nan.